



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

§. 1. Difficile, sed necessarium, in quibusuis Præpositis Deum cognoscere.

[urn:nbn:de:hbz:466:1-47032](#)

cautè inserpunt. Erunt ergo radicitus euellenda, nostraque hac scriptioe in confutanda, ut planissimum cuius fiat, nihil probabilitatis in eis restare, nihil quod quemquam meritò mouere possit: sed hoc sensim pedetentimque faciemus, id ordinatè persequentes quod ad obedientiam conducere cœlēbimus, Adspirabit cœptis illa pia & misericors Dei māter Maria, cuius è paucissimis verbis, illud dignissimum habemus, *Quodcunque dixerit vobis facite.* Da, sācta Mater, ut cordi meo loquatur tuus filius, & quod dixerit scribam, atque ita ab eius dictis scribendo non recedam, ut etiam à scriptis, viuendo & agendo non dissidentiam.

C A P V T II.

De primo & maximè necessario obedientie fundamento; nempe ut obediens, Deum in Superiore adspexit.

Hoc præceptum exerte & graniter, non tantum commendauit, sed & B.A. apostoli Pauli, & Iesu Christi Domini nostri verbis comprobauit B. Ignatius, & quid ex eo sequatur ostendit apud Ribad. lib.v. cap. de Obed. ut nulla dictorum repetitione sit opus.

§. i. Difficile, sed necessarium, in bonis & malis Præpositis, Deum agnoscere.

At arduum est nonnullis Christum Dominum in quois Superiore intueri maximè in aliquem inciderint, durum, morosum, difficilem, æmulum, auctoritatis tenacem, perturbationibus expositum. Quid enim huic cum Christo Domino commune est, quem, ut alijs è D. Bernardo retuli, quando cogitamus, hominem nobis proponimus, mitem & humilem corde, benignum, sobrium, castum, misericordem, omni denique honestate ac sanctitate conspicuum, cuius placida vox non auditur in plateis, qui linum fumigans non extinguit, calatum quassatum non conterit; sed quod contractum est alligat, perditam querit ouem, peccatorem ad penitentiam vocat, vultusque & oculorum maiestatem amabilitate mira condit. Iam si hos utrosque inter se composueris, & speciem intuaris externam, quid diversius, & aduersa fronte magis repugnans reperi potest?

Ita planè est, si, ut dictum est, speciem intuemur externam, nec ultrà tendimus: at si penitus, ut homines decer, non solis sensibus abducamus, sed quæ sunt potiora & retrusiora scrutomur; hæc inter se ita conspirare fatebimur, ut facile sit agnoscere eandem vitiosam imperfectamque rem, rei sanctissimæ perfectissimæque imaginem præ se ferre posse; non quidem quaratione virtuosa est; sed qua potest aliunde aliquid rei perfectioris ad se traductum habere.

Quod



Quod ut in hac materia dilucidè confirmemus, præ oculis est habenda lex
à sanctis Apostolis in omnes Christianos lata, dicente S. Paulo, *Omnis anima pro po-*
testatibus sublimioribus subditas sit: non est enim potestas, nisi à Deo: que autem sunt à Deo,
ordinata sunt. Itaque, qui resistit potestati, Dei ordinationi resistit. Qui autem resistunt,
ipſisibi damnationem acquirunt. Vbi perpendendum, quām certò afferat, potesta-
tem esse à Deo, & Dei donum, Deoque resisti cūm potestati hominis, & qui-
dem Ethnici, quales erant qui tum praeerant, à subditis resistirur; eodemque mo-
*do regibus & iudicibus datam à Domino potestatem Sapiens afferit. Sed ut in *Sap. 6.**
ore duorum testium, in dō duorum legislatorum, sicut hoc potens verbum, au-
*diamus & D. Petrum qui sic loquitur: *Subiecti estote omni humana creature propter**
Deum: siue regi, quasi precellenti: siue ducibus, tanquam ab eo missis, — quia si eſt voluntas
Dei. Et mox: Serui subditi estote in omni timore dominis, non tantum bonis & modestis,
sed etiam dyscolis. Hec eſt enim gratia, si propter Dei conscientiam sustinet quis tristitia,
patiens iniustie. En gratiam, en consolationem sanctam, si quis improbis pateat,
multaque potius pati sit paratus, quām ut in Dei potestatem rebellet, & consci-
entiam peccando inficiat. Hinc igitur, sed & Conciliorum sanctorum auctorita-
tate constat, imperfectione, vitio, vel peccato solo, sua potestate non excidere
Superiores: non potest autem hęc illis integra manere, quin deruetur & per-
petuetur à Deo; à quo omnis perpetuim & ingiter potestas pendet in cælo &
in terra.

Cūm autem in parendo & se alteri subdendo, non bonitatis aut perfectio-
nis, ac potestatis & auctoritatis à Deo necessariò profluentis ratio habeatur, nec
minorem improbis, quān probis obedientiam debeamus: profectò id argu-
mento eſt, potestatem in utrisque parem, nec eiusdem hominis, in Magi-
stratu locati, subitoque à virtute in virtu delapsi, potestatem eſt imminutam.
Iam verò, cūm ratione potestatis vicarium Dei locum subeant Præpositi, si bo-
norum & malorum paret potestas, fieriſſimè quoque nobis tenendum eſt,
eos qui imperfectionum natus nondum carent, non minus Dei vicarios eſt,
nec minus eius personam gerere, quām qui omnibus virtutum numeris perfe-
cti excellunt. Quemadmodum igitur probitate in æqualibus, at æqualiter au-
toritatem potestatemque regiam repræsentantibus, & honor æqualis & obe-
dientia deferi solet, ipsumque adeò regem æqualiter referre creduntur: ita pla-
nè quemcunque æqua auctoritate tibi Præpolitum natus fueris, in huius po-
testatem si intentos mentis oculos fixeris, æquali in eo diuinæ potestati pa-
rebis, æqualem vicariam Dei auctoritatem veneraberis: & veluti in iis quæ sunt,
Deum eſt; in iis quæ intelligunt, intelligere; sic in iis qui imperant, Deum im-
perare speſtandum eſt.